

25. januar 2019

UPA2019/188

Inatsisartut suleriaasianni § 33 naapertorlugu Naalackersuisut peqquneqarnissaannik Inatsisartut aalajangiiffigisassaattut siunnersuut matumuuna imaattoq saqqummiuppara:

Inatsisartut aalajangiiffigisassaattut siunnersuutigineqarpoq Naalackersuisut meeqqat atuarfiata aaqqissuuseqqinnissaannut peqquneqassasut, killiligaanani oqaaseqarsinnaaneq aammalu ajunngitsumik oqallissinnaaneq meeqqat atuarfiata siunertaanut ilannguteqqullugit.
(Inatsisartuni ilaasorta, Laura Táunâjik, Siumut)

Tungavilersuut:

Ullumikkutut inissimatilluta akaareqatigiilluni inuppalaarneq, imminut sinnerluni misigissutsinik saqqummiisinnaaneq, inunnut allanut tusarnaarsinnaaneq aammalu unneqqarissumik pissusilersuinikkut isumaqatigiinngissutinik aqqiisinnaaneq meeqqat atuarfiani atuartsinermut naliginarmik ilaasariaqarput naak immaqa ilaatigut fagimi “inuttut ineriartornermi” sammineqartaraluartut. Tamannami naammattumik pingaartipparput? Meeqqat atuarfiata inatsisaanni atuuttumi kapitali 2-mi, atuarfiup siunertarivaa atuartup anersaakkut kiffaanngissuseq akaareqatigiinnerlu siuarsarneqassasut aammalu atuartup tamat oqartussaaqataalluni eqqarsartariaaseqalernissaa ilinniartitsissutigineqassasoq.

Siunnersuummik matuminnga kissaatigaara Naalackersuisunut suli annertunerusumik eqqarsaatigeqqullugu oqallittarnerup pissusaa pissutsimigut tamatigut tatigeqatigiinnermik ilinniartitsissutigineqassasoq, killiligaanani oqaaseqarsinnaanermik inuppalaartumillu pissuseqarnissamik ilinniartitsinissaq meerartatta atuarfiat siunissami atuuffigilissagaa. Taamaalilluni naleqassutsit pineqartut fagini tamani atuuffeqalissapput atuarnerlu tamaat ilanngullugu, imaaginnanngitsoq “inuttut ineriartorneq” pineqaleraangat kisiat tamakuninnga sammisaqartassasut.

Naalackersuisut piffissami aalajangersimasumi ilinniartitaanermik aaqqissuuseqqissimapput, tamannalu meeqqat atuarfianut aamma sunniuteqassaaq.

Pisariaqarpoq naalackersuinikkut annertuumik ersarisassallugu, naleraq qanoq ittoq atorneripput inuiaqatigiinni ukiukinnerpaat inerisarnialeraangatsigit.

Kinguaariit tullinnguuttut naleqartitassa at qanoruna ingerlateqqinniarigut?

Ilisimavarput nittartakkakkut attaveqaatit aammalumi tusagassiutit nalinginnaasumik tungaviusumik tamatta oqalliseriaaserput, aammalumi nunarsuatta attaveqariaasia oqalliseriaasialu aamma allannngortissimagaa.

Tamassa ajornanngitsuaraavoq inuttut saassussipallanneq – puigorlugu suna pineqarnerseq. Tatiginartumik oqallinniaaraanni taava pisariaqarpoq tunngaviatigut inunnik allanik ataqqinnittuunissaq, kusanartumik oqaloqatiginnittariaqarpoq akuerisariaqarlugulu inuit assigiinngitsut aamma assigiinngitsunik isummersinnaatitaammata.

Tamanna ajornakusoortissagutsigu innuttavut ilaat immikkoortitaasutut misigeriaannaapput, ammut isigineqartutut misigalutik imalunniit toqqaannartumik inuiaqatigiinnit allaat anisitaasutut misigitinneqarsinnaallutik.

Tamanna inernerisinnaavaa ilisimasassat pingaaruteqartut aammalu isumassarsiat annaanneqarsinnaammata, tamannalu inuiaqatigiittut akissaqartinngilarput.

Tamanna inuiaqatigiittut inerisaqqissagutta qitiulluinnartutut isigaara aammalu inuusuttortavut inerisarnissaannut kinguaariit inuusuit inuiaqatigiinni eqeersimaartumik peqataalluartaqarput.

Tamanna ingerlaavartumik inuiaqatigiinni tunngaviusumik aalajangiisuusariaqarpoq, kiffanngissuseqarluni oqalussinnaatitaaneq ammalumi inuiaqatigiinni assigiinngitsunik isummersinnaatitaaneq ataqqisariaqarparput – isumaqatigiittuaannanngikkaluarluta atorsinnaasariaqarparput.

Taamaattumik kissaatigaara Naalakkersuisut peqqussallugit meeqqat atuarfiata siunertarisaa qajannaartariaqaraat, siunissami kiffaanngissuseqarluni oqalusinnaatitaaneq immikkut isigalugu ataqqisariaqarmat, meeqqallu ilanngullugu tigussaasumik oqallinnissamik ilinniartariaqarmata ataqqeqatigilluni oqaloqatigiinneq ilinniassavaat.

Aningaasaqarnikkut allaffissornikkullu pisortanut sunniutissaa:

Siunnersuut akuersissutigineqassappat inatsisitigut sulisoqartariaqassaaq tamannalu nutserneqarnera ilanngullugu AC-imik affarmik naleqassaaq, imaappoq 250.000kr. missaani atorineqassapput.

Naalakkersuisut annertuumik aaqqissuusseqqinnermik suliaqareermata, naatsorsuutigineqassaaq siunnersuut una ilanngutiinnarsinnaasoq taamaalilluni pisortanut aningaasartuutaanani.

Ilinniutinik nutaanik pisariaqartitsisoqariaannaavoq. Taamaattoq siunnersuut matumaniittoq atuutilersinneqarsinnaavoq pisortaniit annertunerusumik ilinniutit tungaasigut inerisaasariaqaratik.

Namminersortunut aningaasaqarnikkut allaffissornikkullu sunniutissai:

Soqanngilaq

Innuttaasunut aningaasaqarnikkut allaffissornikkullu sunniutissai

Soqanngilaq.